



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1844

III. Hans von Restorf vergleicht sich mit Achim Plote über den Pfandbesitz des dritten Theils von Rheinsberg, im Jahre 1444.

[urn:nbn:de:hbz:466:1-54407](https://nbn-resolving.org/urn:nbn:de:hbz:466:1-54407)

Claws Luderitzen vnde sinen rechten eruen en brukelk pant wesen sunder my vnde myner eruen ergheste, wente also langhe, dat yk Wedeghe vorbonumet edder myne rechten eruen Claws Luderitzen vnde sinen rechten eruen dessen vorbenumeden summen penninghe vnde kroffen wedder gheuen. Weret, dat yk Wedeghe edder myne eruen wolden losen dyt vorbenumede slot, stad vnde lant van Clawese edder zinen eruen, so schole wy em to segghen en half iar vor sunte Mertene vnde des sunte Mertens schole wy en gheuen ere penninghe vnde Claws edder zine eruen de scholen vp boren alle pleghe vnde alle rente, de to deme sunte Mertene völt, vnde so schal Claws edder sine eruen nicht hebben in desme vorbenumeden slote, stad vnde lant vnde schal dat antwerden my edder mynen eruen edder wene wy dat hebben willen. Ok schal Claws edder zine eruen dyt vorbenumet slot, stad vnde lant nicht vorsetten edder vorkopen, sunder he du dat na my edder myner eruen willen: vnde dyt slot vnde stad schal my vnde mynen eruen apen stan to vnfen noden vnde bohoue: vnde weret, dat yk vorstorue vnde myne kindere edder myne nakomelinghe vormundere hadden, den schal dat apen stan lyker wis, alze my vnde mynen eruen. Hyr is auer wesen her Claws Hane ridder, Kersten van Redecstorpe wanaftych to Rinesberghe, her Diderick Sloneman perner to Wefenberghe, Henningk Plote, Hermannus myn scriuer vnde mer beddruer lude, dede louen vnde ere wert syn. Des to tughe vnde groter bokantnisse hebbe yk vorghe-nante Wedeghe myt wifchop myn inghesghel henghen laten vor dessen bryff, dede gheuen vnde sereuen ys na der bort vnfen heren verteynhundert iar dar na in deme achteynden iare, des vridaghes na alle gades hilghen daghe.

III. Hans von Resstorf vergleicht sich mit Achim Plote über den Pfandbesitz des dritten Theils von Rheinsberg, im Jahre 1444.

Vor allen guden cristenluden, de dessen apenen bryff sen edder horen lesen, Bokenne ik Hans van Retzstörp, dat ik van Achim Ploten hebbe to eneme pande den druddendel an Rynsberghe stat vnde slot myt alle tobohoringhen vnde rechtigheyden, alze it myn vader ghehat hefft vnde ik it noch yeghenwardich hebbe, dar ik em vor ghegheuen hebben twe hondert ghude rynsche gulden, de ik em to der nughe wol botalt hebbe: vnde wes myn vader edder yk deme praueste edder den iuncvrouwen to Sunnenberghe edder to Ronnenbeke dar vorsettet hebben, dat schal Achim edder sine eruen losen, wan em des lustet, vor also vele gheldes, alze wy dar vor van deme praueste edder den iuncvrouwen vntfanghen hebben; dar vp so schal ik Rynsberghe hebben dre yar sunder losent; wan deane de dre iar sint vmme kamen vnde denne Achim edder sine eruen my edder mynen eruen, edder ik edder myne eruen Achimme edder sinen eruen, vnse en deme anderen, weme des lustet, en half iar, alze to sunte Johannis baptisten daghe middem in deme samere, achte daghe vor edder achte daghe na to vorne to segghen, vnde denne dar na in den ver hilghen daghen to winachten schal Achim edder sine eruen my edder mynen eruen myne twe hondert rynsche guldenen an guden golde vnde swar nuch an wicht to nughe vnde to dancke wol botalen. Wan denne Achim edder sine eruen my edder mynen eruen de twe hondert guldenen botalt hebben, so schal ik edder myne eruen Achimme edder sinen eruen wedder antwerden Rynsberghe sunder yenigherleye vpsleghe edder weddersprake. Alle desse vorseuen stücke to samede vnde en yeslik by sik laue ik Hans van Resstorf myt mynen rechten eruen Achim Ploten vnde sinen rechten eruen